

Irudia (AEK): 22. KORRIKA aurkezpena Donostiako San Telmo Museoa



Hamaika galdera Asier Amondo Gorostizaga KORRIKA arduradunari ¹

Azkenean esan dezakegu: "Badator KORRIKA!". 2022ko martxoaren amaieran KORRIKA, euskararen aldeko² lasterketa erraldoia³, Euskal Herrian ibiliko da berriro, eta gure herriak kolorez, musikaz, ilusioz eta, euskaraz jantziko ditu. Datorren urtekoa 22. KORRIKA izango da, eta, lasterketaren aurkezpena egiteko, AEK-k Donostiako San Telmo Museoa bildu ditu kazetariak. Bertan, Asier Amondo KORRIKA arduradunarekin hitz egin dugu.

Laster, KORRIKA ibiliko da Euskal Herriko kaleetan zehar... KORRIKA "normala" izango al da?

Bai; gure ustez, betiko KORRIKA izango da. Baikor⁴ gaude.

Baina, zer da KORRIKA? Nola azalduko zenioke ezagutzen ez duen bati?

KORRIKA euskararen aldeko lasterketa erraldoia da, Euskal Herrian egiten den ekimenik⁵ jendetsuena eta zirrargarriena⁶. 11 egunez, etenik gabe⁷, gau eta egun, 2.500 kilometro inguru egingo ditugu Euskal Herriko bazter guztietatik, eta mezu⁸ sekretua gordetzen duen lekukoa⁹ eskuz esku¹⁰ ibiliko da.

Zein da KORRIKAREN helburua¹¹?

KORRIKAREkin euskararen erabilera¹² eta ezagutza¹³ bultzatzen¹⁴ ditugu eta euskaltegiak ekonomikoki lagundu.

Eta, zein da KORRIKAREN leloa¹⁵?

"HITZEKIN" da edizio honen leloa, eta bi hitzek osatzen dute: "hitz" eta "ekintza¹⁶". Hizkuntza bat hitzez osatzen da, baina ekimenek eraikitzen dute hizkuntza baten komunitatea. Guk uste dugu euskara hitzetik ekintzara eramateko unea¹⁷ dela.

Oraingoa 22. edizioa da. Askotxo da hori...

Bai, benetan! Esaten da hiru euskal herritarretik batek parte hartu duela. Horregatik, oso garrantzitsua iruditzen zaigu ilusioa

berreskuratzea¹⁸: kalean, sareetan, ikastetxeetan, diasporan eta abarretan.

Horri lotuta, KORRIKA "mundiala" dela ere¹⁹ esan daiteke, ezta?

Bai, hala da! Mundu osoko 60 bat tokitako hiri nagusietan ere ibiliko da 22. KORRIKA: La Platan, San Frantziskon, New Yorken, Parisen, Berlinen, Bartzelonan, Bruselan, Shanghai, Tokion...

Eta, KORRIKAREN "ahizpak" ere hor ditugu...

Bai, horixe da. Baditugu munduan zehar hizkuntza gutxituen alde antolatzen diren ekimenak; hau da²⁰, KORRIKAREN ahizpak: Hego Amerikan, maputxeen hizkuntzaren aldeko lasterketa (Lefkantun), Britainian (Ar Redadeg), Irlandan (Rith), Galesen (Ras yr Iaith), Katalunian (Correllengua) eta Galizian (Correlingua).

Lehenengo edizio hura Oñatin hasi eta Bilbon amaitu zen. Nondik nora joango da 22. KORRIKA?

Amurriotik Donostiara joango da, martxoaren 31tik, apirilaren 10era. Baina, eguneroko ibilbide zehatza²¹ ezagutzeko, apur bat itxaron behako duzue.

Ados, zain egongo gara! Eta, zer esan dezakezue KORRIKA alaituko duen kantaz?

Oraindik²² sekretua da; baina, laster entzun ahal izango duzue, eta zuen gustukoa izatea espero dugu!



Asier Amondo Gorostizaga, KORRIKA arduraduna (Laudio, 1969)

21. KORRIKak Txillardegi omendu²³ zuen. Jakin daiteke nor omenduko duen 22. edizioak, ala hori ere sekretua da?

Bada, bai, hori esan dezakegu! Pirritx, Porrotx eta Marimotots pailazoak omenduko ditugu oraingoan. Zergatik beraiek? Bada, 34 urteko ibilbidea egin dutelako euskal munduan, eta euskaraz.

Nola hartzen da parte KORRIKAN?

Modu asko daude: korrika eginez, KORRIKA kulturalean parte hartuz, KORRIKA batzordeetan²⁴ lan eginez eta KORRIKA LAGUNTZAILEA eginez. Horixe da KORRIKA ekonomikoki laguntzeko modu onena. Izen-emate kanpaina hemendik gutxira hasiko da. KORRIKA materiala ere laster egongo da salgai: arropa, eta abar.

Tira, bada, ekin KORRIKARI...

Horixe! Errepidean ikusiko dugu elkar²⁵!

Hiztegia

- ¹ arduradun: *responsable*
² -ren alde: *a/en favor de...; en faveur de...*
³ Lasterketa erraldoi: *carrera gigante; course géante*
⁴ Baikor: *positivo/a; positif, optimiste*
⁵ Ekimen: *iniciativa; initiative*
⁶ Zirrargarri: *emocionante; impressionnant,-e*
⁷ Etenik gabe: *sin parar; sans s'arrêter*
⁸ Mezu: *mensaje; message*
⁹ Lekukoa: *testigo; témoin*
¹⁰ Eskuz esku: *de mano en mano; de main en main*
¹¹ Helburua: *objetivo; objectif, but*
¹² Erabilera: *uso; usage, utilisation*
¹³ Ezagutza: *conocimiento; connaissance*
¹⁴ Bultzatu: *impulsar; promouvoir, soutenir*
¹⁵ Leloa: *eslogan; slogan*
¹⁶ Ekintza: *acción; action*
¹⁷ Unea: *momento; moment*
¹⁸ Berreskuratu: *recuperar; récupérer*
¹⁹ Ere: *también; aussi*
²⁰ Hau da: *es decir; c'est-à-dire*
²¹ Zehatza: *concreto; exact,-e, précis*
²² Oraindik: *todavía; encore*
²³ Omendu: *homenajear; rendre hommage*
²⁴ Batzorde: *comité; comité*
²⁵ Elkar ikusiko dugu: *nos veremos; nous nous verrons*

► Azpimarratu forma zuzenak, eta gero erantzun: egia ala gezurra dira?

Subraya las formas correctas y después responde: ¿son verdaderas o falsas?

Soulignez-vous les formes correctes, et puis répondez : sont-elles vrais ou faux?



E G

- 1. Aurtengo KORRIKA normala **izan / izaten / izatea** espero dute.
- 2. Txanda-aldaketan korrikalariak bostekoa ematen **da / dute / diote** elkarri.
- 3. KORRIKA euskara **bultzatzen / bultzatzeko / bultzatzera** egiten da.
- 4. **KORRIKA / KORRIKAK / KORRIKek** 60 "ahizpa" ditu Euskal Herritik kanpo.
- 5. KORRIKA Arabatik Gipuzkoara **joango / joan / joaten** da aurten.
- 6. KORRIKA martxoaren 31n **hasi / hasten** eta apirilaren 10ean **amaitzen / amaituko** da.
- 7. Oraindik ezin dute ezer **esan / esatea / esaten** KORRIKA kantari buruz.
- 8. KORRIKak Pirritx, Porrotx eta Marimotots omenduko **dituzte / ditu / ditugu** oso alaiak direlako.
- 9. KORRIKAN parte **hartzeko / hartzea / hartzera** modu asko dago.
- 10. KORRIKA diruz laguntzeko modu onena KORRIKA LAGUNTZAILEA **egitea / egiten / egin** da.

ERANTZUN ZUZENAK (AZPIMARRATUTA):

1. Aurtengo KORRIKA normala **izan / izaten / izatea** espero dute. EGIA
2. Txanda-aldaketan korrikalariak bostekoa ematen **da / dute / diote** elkarri. GEZURRA
3. KORRIKA euskara **bultzatzen / bultzatzeko / bultzatzera** egiten da. EGIA
4. **KORRIKA / KORRIKak / KORRIKek** 60 "ahizpa" ditu Euskal Herritik kanpo. GEZURRA
5. KORRIKA Arabatik Gipuzkoara **joango / joan / joaten** da aurren. EGIA
6. KORRIKA martxoaren 31n **hasi / hasten** eta apirilaren 10ean **amaitzen / amaituko** da. EGIA
7. Oraindik ezin dute ezer **esan / esatea / esaten** KORRIKA kantari buruz. EGIA
8. KORRIKak Pirritx, Porrotx eta Marimotots omenduko **dituzte / ditu / ditugu** oso alaiak direlako. GEZURRA
9. KORRIKAn parte **hartzeko / hartzea / hartzera** modu asko dago. EGIA
10. KORRIKA diruz laguntzeko modu onena KORRIKA LAGUNTZAILEA **egitea / egiten / egin** da. EGIA

AHOLKUA:

- ▶ Ikusi bideoa¹, ea zer iruditzen zaizun!

¹ Bideoa "21. KORRIKA: Mila esker, Euskal Herria!" <https://www.youtube.com/watch?v=WcOFegbaW6A>